

386 Comitatus Muercensis, sive de Muers, cum Regionibus
circumjacentibus.

IN hac Tabula quæ Comitatum Muercensem una cum Regionibus, Urbibus & Fluminibus, quæ potissimum hunc Comitatum ambiunt, graphice delineatum exhibet: eas duntaxat regiones describemus, quas alibi non descripsimus: has videlicet: primum Comitatum ipsum Muercensem, deinde Ducatum Clivensem, ultimo loco Juliacensem. Comitatus Muercensis sive de Muers, vulgo Graefschafft Muers, ab Opido cognomini nomen appellationemque accepit. Ad Ortum Ducatum respicit Bergensem & Comitatum Markensem: ad Occasum Gelriam: qua Meridies est Diocesim Coloniensem & Ducatum Juliacensem: qua Septentrio Clivensem. Ager utcumque fertilis Frumenti, ac pascuis latus. Opidum hujus Comitatus est Muers quod regioni nomen suum communicat, è regione Duisburgi, haud procul Rheni sinistra ripa situm. Et hæc de Comitatu Muercensi, ad Ducatum Clivensem venio. Ducatus Clivensis appellationem traxisse creditur a Clivis: exstatque ejus nominis Opidum, de quo infra, ad Rheni ripam in tribus clivosis Collibus constructum. Terminatur ab Ortu Ducatu Bergensi, Comitatu Marchiæ, ac Westphalia, a Septentrione Comitatu Zutphanienfi, Trans-Isalano Tractu, ac Batavia: ab Occidente Gelria & Leodiensi tractu: a Meridie Colonienfi & Aquisgranensi ditionibus. Regio ipsa bono & salubri aëre gaudet: Agro fertili Frumenti, ac latis pascuis. Varii generis videre hic est Animalia: atque alibi Feras varias, Apros, Meles, Vulpes, Lepores, Caniculos, Cervos, Feles, & Equos silvestres: Palumbium aliarumque Avium frequens Aucupium, inprimis Perdicum, Turdorum, & Coturnicum: Anates innumerabiles, omnium denique rerum quæ ad vitam pertinent largam copiam. Ferunt autem Alium Gracilem quum opibus & potentia floreret in Gallia Belgica, donatum a Pipino & Carolo Martello ea parte Bataviæ, quæ nunc Clivia dicitur. Successere ei ordine Theodoricus, Reinboldus, Rudolphus, Joannes, Robertus, Balduinus, aliique usque ad Joannem qui ab Elia fuit xxvi. In hoc defuit familia. Cooptatus tamen ab Imperatore & provincialibus in jus familiæ Adolphus qui Constantienfi Consilio a Sigismundo Imperatore Dux Cliviæ dictus est. Habet autem Ducatus iste in ora Gallica Opida ista: Xantum, Santen, Opidum in sinistra Rheni ripa, olim Trajana Colonia Pighio, Vetera Pyramio, & plerisque aliis: vetustatis ac antiquitatis multum præ se fert, quod testatur Tophus Lapis Duynsteen, dictus, ingenti ibidem copia ex antiquis ruinis collectus. Burichium, Burich, Opidulum è regione Wesaliæ situm, felici agro & latis pascuis gaudet. Clivia, Cleve Provinciæ caput est, Opidum celebre & vetustate summa, non procul a Rheni ripa, & ab ejus divortio, ubi expandere suos ramos, & Batavos in Insulam incipit redigere. Cujus amplitudo magna fuit quondam, sicut ex ruderibus in agro vicino passim apparentibus colligitur. Nomen ei Clivia quod in tribus clivosis collibus pendulum versus Rhenum panditur. Discrepat unius duntaxat vocalis mutatione lingua popularis qua Cleve nunc Opidum, ut & clivus omnis appellatur. Imminet Rheno in eminentissimo trium Collium, quadrata Turris præalta lataque, cum Arce longe conspicua, quam

Comitatus
Muercensis.
Situs.

Opidum.
Ducatus Clivē-
sis unde dictus.

Situs.
Aëris temperies.
Animaliū vari-
etas.
Solifertilitas.
Imperium Ma-
jorum.

Opida.